



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

CapitvlvmXXVI. Duobus.

[urn:nbn:de:hbz:466:1-62587](#)

& sententia feratur contra praesentatorem, electorem, collatorem sciente & paciente praesentato, electo, aut prouiso, praejudicat ipsi, quippe qui causam & jus habet a praesentatore, electore, collatore. Sed alia ratio est quoad paenam, si videlicet ordinator vel collator persententiam punitus sit, quia Simoniacum, vel adulterum Clericum ordinabit, aut inuestierit, sententia non praecipiat ordinato, aut prouiso, quoad plenum praecipium, praeterquam si crimen Simoniae inter utrumque commissum declaratum sit notorium, tum propter connexio nem Iudex ex officio alterum quoque punire potest, teste *Alexand. h.c. n. 10.* & constat exc. *Ad nostram. 71. de jure iurando.*

His adde, quod etiam vice versa si controversia nota sit electo, aut prouiso, quod electionem, aut collationem legitimè non acceperit, videlicet non ab habente potestate, nocet id electori, aut collatori scienti & patienti causam agi, ut colligitur ex *est. h. penult. juncta gl. noua marg. vbi* dicitur: si contra libertum seu a me manumissem sententia de statu feratur, quod videlicet alterius seruus sit, id obesse mihi scienti & patienti causam hanc agi, & ita docent Canonicisti h.c & gl. in c. 3. dist. 81. praejudicat ordinatori sententia lata contra ordinatum, quando præsens est & scit causam agi: cum enim quasi sua causa agi videatur (eius enim principaliter interest) & tacet, nec defendit causam, sibi præjudicat, juxta primam traditam regulæ exceptionem.

Veruntamen haec ipsa doctrina limitanda est, ut intelligatur, quatenus causam & jus accepit prouisus a collatore, ut si circa illud ipsum, quatenus ab eo proficiisci potuit judicetur pro aut contra prouisum, id etiam prospicit, aut oblitus collatori, sicut colligitur ex *c. Cum olim. 7. de causa possessionis.* Et notat hic *Alex. n. 12.* nam prouisus ideo jus suum consequitur, quia collator fuit in possessione juris conferendi, tametsi fortasse jus istud secundum proprietatem non habuerit, consequenter si pro, aut contra prouisum sententia lata sit, prodesse, aut obesse debet collatori in possessorio, saluâ interim quæ-

stione proprietatis, sicuti constat ex cit. c. *Cum olim. & monet Abbas. h.c. n. 23.* Quamvis secundum hanc eius cap. explicationem quæ valde conformis est, non appetet ratio, cur Pontifex hic alleget axioma, res inter alios acta &c.

Aliæ exceptiones à Regula, seu casus, in quibus res judicata alteri absenti & non contendenti prodest, aut obesse, videri possunt in *gloss. h.c. verb. res inter alios;* & apud *Abbas. & Alexand. hoc loco.*

CAPITVLVM. XXVI.

Duobus.

P A R A P H R A S I S.

Si duo Iudices diuersas sententias profuerint, distinguendum, num sint ordinarii, delegati, an arbitrii; si ordinarii sint, valer sententia prolata pro reo, non pro aetore, exceptis causis favorabilibus, matrimonii, libertatis, dotis, testamenti. Si delegati judices, sententia pendet ex arbitrio delegantis. Si denique tanquam arbitrii, seu ex compromisso, neutra sententia vigorem habet.

S V M M A R I V M.

1. Si duo judices Ordinarij, pari potestate in solidum prediti, sententiam dicant diuersam, præualet illa, quæ lata est pro Reo.
2. Ampliatur hec doctrina ad plures eiusmodi judices, v. g. si quatuor vel sex illorum aequali numero in sententia discordent.
3. Ampliatur etiam ad probationes, ut si haec plures sint ex utraque parte, pro Reo sententia sit ferenda absolvatoria.
4. Excipitur tamen ab hac generali doctrina: nisi causa favorabilis sit, v. g. dotis, de testamento & matrimonij valore, vel quacunque alia.
5. Et quidem in causa valoris matrimonii indubitate hoc verum est, si impedimentum prætensum ex jure postino existat, non item tamen, si ex jure naturali, aut diuino juxta Abbatem & Felinum.
6. Oppositum sentit author.

7. In casu quo uterque coniux malâ fide matrimonium contraxit, & post diligentem veritatis inquisitionem, dubium deponere non possunt, an & quomodo licitum ipsis sit coniugio uti?
8. Si duo judices delegati discordes sint in sententiis, causa instruta mitti debet ad delegantem.
9. Si arbitri, vel arbitratores; nulla earum valet, nisi compromissum sit adiectâ clausula, ut unius sententia separatim lata valere possit, tum idem seruandum, quod de ordinariis judicibus cautum est.

- 1** Quid ad primum horum attinet, exemplum dari potest in duobus Episcopis, Vicariis generalibus, aut duobus Civitatis Consulibus, auctualem jurisdictionem in solidum habentibus, si diuersas sententias in aliqua causa ferant, eius praeualebit, quæ pro reo lata est: nam fauorabiliores Rei, quam actores habentur, Regul. 125. ff. Et promptiorajura ad absoluendum, quam ad condemnandum. c. 3. de probationibus.
- 2** Ampliari debet 1. Si 4. vel 6. Iudices pari potestate in solidum prædicti sententiam dicant, duo vel tres pro auctore, alii vero duo aut tres pro reo, horum sententiam prævaluaturam. l. Junia, l. 24. ff. de manumissionibus.
- 3** Ampliari debet 2. Quod hinc dicitur de sententia, idem sentendum est de probationibus, ut si pares ex utraque parte videantur, pro reo sententia absolvitoria fera- da sit.
- 4** Exceptio vero à regula est, nisi causa fauorabilis ex parte actoris sit, videlicet, si quis agat pro matrimonii valore, pro dote, pro libertate, pro valore testamenti. Et quod hinc dicitur de sententia, idem censeri debet de probationibus, videlicet testibus, nam dispari numero ac qualitate pro utraque parte productis, hoc casu pronuntiandum esse pro libertate, habetur expressè in cit. l. Junia.

Amplia Exceptionem, quod similiter locum habere debet in aliis fauorabilibus causis, quæ hinc numeratae non sunt, nam 4. casus afferri videtur loco exempli, quæ autem loco exempli afferuntur, traditam doctrinam

non restringunt, sed ostendunt, quod etiam in aliis similibus locum habere debeat, arg. c. 1. ne Clerici, vel Monachi. Quare gl. in l. i. verb. judicati. C. de condic. indebiti. Abbas. hic. n. 17. aiunt, quod casus excepti à regula extenduntur ad casus similes, arg. c. Cum dilecta. 4. de confirmatione utili. & docui l. i. §. 4. c. 18. n. 9. §. Ceterum.

Vnum hinc admonendi sumus, quod dictum est, causam fauorabilem censeri, quæ pro matrimonii valore est, id indubitate verum esse, si impedimentum, quod prætenditur, ex jure positino existat. l. licet. 47. de testibus. Sin autem ex jure naturali, aut diuino, vt si disputetur, num impotentia coniugis subsit, aut consanguinitas, vel affinitas in 1. gradu. hoc casu. capit. huius doctrinam locum non habere tradit Abbas, in cit. c. Licet enim. s. & inclinat Folin. hic. col. 2. existimantes, si probationes pates sint, & res post omnino- dam examinationem verè dubia maneant, pro reo pronuntiandum esse, quia cum ex utraque parte periculum violandi juris diuini, cuius maximus fauor esse debet, hoc loco, yrgeat, vnu fauor alterum debilitat, ideoque jus ordinarium seruandum est, videlicet si partium jura dubia sint, pro reo pronun- tiandum esse.

Sed arbitrio contrarium esse dicendum, quia cum jura non distinguant, neque nos distinguere debemus.

Accedit quod post matrimonium, maxime si in facie Ecclesiae celebratum sit, jus est acquisitum contrahenti, quo priuari ipse non debet in causa dubia. Quemadmodum etiam in conscientiae foro, stante tali dubio, coniugij debitum exigi potest à coniuge, dummodo dubium valoris postea superuer- nerit, adeoque bona fide matrimonium contractum sit à coniuge debitum petente.

Sed quid si uterque Coniux mala fide, videlicet cum dubio intercedentis impedimenti matrimonium contraxit, & post diligenter veritatis inquisitionem, dubium deponere non possint, licetumne est ipsis coniugio uti? Dicendum, si utrinque sint probabiles rationes, res incerta ac dubia tam in externo, quam in interno foro du- bius.

biuum practicè deponi posse, ex eo principio, quod in causa dubia pro matrimonii valore præsumendum sit, licet hoc casu fauorem non mereantur contrahentes, cum bona fidei possellores non sint; ipsum tamen matrimonium, si in facie Ecclesie contractum sit, talem fauorem mereri debet; quæ videtur esse doctrina Henriquez. l. 1. c. 11. n. 5. insigne; licet aliter discurrat Sanch. l. 2. de matrimonio. disp. 42.

S Quod ad alterum attinet, si duo Iudices delegati discordes sint, seu diuersam sententiam ferant, unus pro auctore, alter pro reo, tunc causa instructa remitti debet ad superiorem, seu delegantem. *c. Per hoc. 17. de h. ret. in b.* qui vnam earum, quæ justa ipsi videbitur, confirmabit, sicuti expressius habetur in l. 28. ff. *derejud.* duo Iudices dati diuersas sententias dederunt; Modestinus respondit, utramque sententiam in pendent esse, donec competens Iudex vnam earum confirmavit. videri potest *gl. in authentica*, vt Iudices non expectent coll. 9. v. sententiam.

Ex his colligit *Abb. hic. n. 4.* Si duo officiales Collegæ sunt ordinaria potestate prædicti, tum valere sententiam, quæ ab uno lata est pro reo, præterquam si causa fauorabilis sit. Sin autem sint delegati, tum in delegatis arbitrio est, num vnam earum sententiarum approbare velit, cum etiam possit causam alijs denuo cognoscendam committere, quandoquidem sententia ab uno absque altero lata irrita est, *iuxta c. Causam. 16. & c. penult. de off. deleg.*

At verò in aliis rebus ordinandis, si duo Domini, ordinariam potestatem seu jurisdictionem pro indiviso possidentes non consentiant, tunc superior providere deberet, ut alternis temporibus. v. g. annis potestatem exerceant, secundum *Gloss. c. licet. 5. verb. conuenit. causa. 16. q. 3.*

Quod ad tertium attinet, si arbitri aut arbitratores in sententia discordent, seu diuersas sententias proferant, nulla earum vallet. Excipe nisi compromissum sit, adiectâ clausulâ, ut vnius sententia separatim lata valere possit, *iuxta l. Non distinguemus. 32. §. Cum in plures. ff. de arbit.* Nam hoc casu

idem seruari debet, quod de ordinariis Iudicibus, supra dictum est, sicuti *Alex. hic notat n. 12.*

EIVSDEM TITVL IN VI.

CAPITVLVM I.

Cum æterni.

P A R A P H R A S I S.

Si Judex Ecclesiasticus ordinarius vel delegatus in grauamen alterius litigantium partis aliquid contra justitiam & propriâ conscientiam egerit ex fauore, aut per sortes, videlicet pecuniâ corruptus, præter alias poenæ per annum ab officij executione suspensus manet, & ad litis æstimationem parti, quam legit condemnandus; quod si suspensione durante temere se diuinis ingesserit, irregularitatem iuxta Canon. sanctiones contrahat, à qua cum liberare nemo poterit præter Rom. Pontificem, aliis quoque constitutionibus, quibus Judici malè judicanti poenæ infliguntur, in suo vigore permanentibus.

S V M M A R I V M.

1. *Constitutio hac noua & pœnalis ideoq; stricta interpretationis fertur contra judicem Ecclesiasticum ordinarium (non autem Episcopum) & delegatum.*
2. *Ad pœnam eius incurrandam requiritur, ut judex partem litigantem grauet, & ut id faciat iniuste & contra conscientiam.*
3. *Suspensio quæ fertur contra judicem Ecclesiasticum, intelligi debet ab officio simpli citer, hoc est, ab exercitio ordinis & jurisdictionis.*
4. *Judex malè judicans, item suam facit, & si per dolum malè judicauit, etiam infamis efficitur.*
5. *In causa criminali conficatis bonis in existentium mittendus est judex, qui datio vel promisso aliquo se corrupti passus est.*
6. *Si per imprudentiam vel imperitiam malè judicatur.*